



REPUBLIKA SRPSKA
GRAD DOBOJ
GRADONAČELNIK

Hilandarska br.1, 74000 Doboj, tel/fax:053/242-002, e-mail: javnenabavke@doboj.gov.ba

Broj: 02-404-1-655/18.

Datum: 13.11.2018.

Na osnovu člana 64. stav 1. tačka b), člana 70. st. 1, 3. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javne nabavke broj: 92/18 od 12.11.2018. godine, u postupku javne nabavke Kolektivno osiguranje zaposlenih Gradske uprave Doboj u 2019, gradonačelnik je donio

ODLUKU
o izboru najpovoljnijeg ponuđača

Član 1.

Prihvata se preporuka Komisije za javne nabavke, broj: 92/18 od 12.11.2018. godine i ugovor za javnu nabavku Kolektivno osiguranje zaposlenih Gradske uprave Doboj u 2019, dodjeljuje se ponuđaču „Atos osiguranje“ a.d. Bijeljina, ponuda broj: 657/18, za ponuđenu cijenu od 4.912,32 KM.

Član 2.

Prijedlog ugovora o nabavci dostavit će se na potpis izabranom ponuđaču po proteku roka od 10 dana, računajući od dana od kada su svi ponuđači obaviješteni o izboru najpovoljnije ponude.

Izabrani ponuđač je dužan u roku pet dana od dana zaprimanja odluke o izboru najpovoljnijeg ponuđača, dostaviti dokaze tražene tenderskom dokumentacijom.

Član 3.

Ova odluka objavit će se na web-stranici www.doboj.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-404-1-596/18. od 26.10.2018.godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a je 6.000,00 KM.

Obavještenje o nabavci broj: 103-7-2- 89-3-154/18 poslano je na objavljivanje dana 31.10.2018. godine, a objavljeno je na Portalu javnih nabavki dana 31.10.2018. godine.

Tendersku dokumentaciju sa Portala javnih nabavki preuzeli su sljedeći ponuđači: „ASA osiguranje“ d.d. Sarajevo, „Ekapija“ d.o.o, „BBS Europe“, „Infostrim“ d.o.o, „Wiener osiguranje“ , „Dunav osiguranje“ a.d, „Atos osiguranje“ a.d. Bijeljina, „Uniqa osiguranje“ d.d. Sarajevo , „Nešković osiguranje“ a.d. „Central osiguranje“ d.d. „Krajina osiguranje“ a.d. Banja Luka, „Adriatic osiguranje“ d.d. „Drina osiguranje“ a.d. Milići i Udruženje za borbu protiv korupcije „Transparency International“ u Bosni i Hercegovini.

Komisija za javnu nabavku imenovana je Rješenjem broj: 02-022-1609/17. od 27.7.2017. godine.

Komisija za javne nabavke dostavila je Zapisnik o ocjeni ponuda broj: 92/18 od 12.11.2018. godine i Preporuku o izboru najpovoljnijeg ponuđača.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispljelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4;
- da su blagovremeno zaprimljene 4 ponude i to: „Dunav osiguranje“ a.d. Banja Luka, „A . D. Drina osiguranje“ Milići – Filijala Doboj, „Atos osiguranje“ a.d. Bijeljina Filijala Doboj i „Asa osiguranje“ d.d. Sarajevo.
- da nema neblagovremeno zaprimljenih ponuda;
- da su ponude ponuđača: „Dunav osiguranje“ a.d. Banja Luka, „ASA osiguranje“ d.d. Sarajevo, „Atos osiguranje“ a.d. Bijeljina prihvatljive;

Ponuda ponuđača „A.D. Drina osiguranje Milići – Filijala Doboj, nije prihvatljiva iz razloga što cijena ponude znatno prelazi procijenjenu vrijednost sredstava planiranih za predmetnu nabavku. Procijenjena vrijednost iznosi 6.000,00 KM, a ukupna cijena ponude ponuđača „ A.D. Drina osiguranje“ Milići – Filijala Doboj iznosi 10.535,00 KM.

Iz navedenog razloga, a u skladu sa članom 68. stav 4. tačka i),j) Zakona o javnim nabavkama BiH, ponuda je odbačena.

U postupku ocjene provedenog postupka, gradonačelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, čime je utvrđen i njihov sukcesivni red – rang lista:

	Naziv / ime ponuđača	Ukupna cijena ponude
1.	„Atos osiguranje „ a.d. Bijeljina Filijala doboj	4.912,32 KM
2.	„Asa osiguranje“ d.d. Sarajevo	5.309,64 KM
3.	„Dunav osiguranje „ a.d. Banja Luka	5.583,55 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 4.912,32 KM.

Iz navedenih razloga, primjenom člana 64. stav 1. tačka b. Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba ugovornom organu u roku od 5 (pet) dana od dana prijema ove odluke. Žalba se dostavlja u tri primjerka u pisanoj formi.

Gradonačelnik
Obren Petrović, s.r.

Dostaviti:

1. "Asa osiguranje" d.d. Sarajevo
2. "Dunav osiguranje" a.d. Banja Luka
3. "Atos osiguranje", a.d. Bijeljina
4. "A.D. Drina osiguranje" Milići – Filijala Doboje